



Publicaziuns dalla vischnaunca, jamna 50

Cussegl da vischnaunca

Il cussegl da vischnaunca seraduna **venderdis, ils 14 da december 2012 allas 19.30** el Center sursilvan d'agricultura a Salaplauna a sia davosa seduta dalla perioda d'uffeci 2009/2012.

Tractandas:

1. Protocols nr. 30- e 31-2009/2012
2. Ovra Acletta: Situaziun actuala e proceder futur (messadi nr. 54-2009/2012)
3. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Administraziun communal

Sur las fiastas da **Nadal** e **Daniev** ei l'administraziun communal **serrada** ils suandonts dis:

gliendisdis, ils 24 da december 2012
mardis, ils 25 da december 2012
mesjamna, ils 26 da december 2012, Sogn Stiafen
gliendisdis, ils 31 da december 2012
mardis, igl 1. da schaner 2013
mesjamna, ils 2 da schaner 2013

Nus giavischein ina biala fiasta da Nadal ed in bien onn 2013!
Administraziun communal Disentis/Mustér

Referendum facultativ Preventiv 2013

Ils 12 da november 2012 ha il cussegl da vischnaunca approbau unanimamein il preventiv 2013. Encunter quella decisiun ei enteifer il termin fixau buca vegniu fatg diever dil referendum facultativ, aschia ch'il preventiv 2013 ei approbaus definitivamein.

Sanaziun dil parcadi Centrum

Encunter la decisiun dil cussegl da vischnaunca dils 9 da november 2012 davart in credit da frs. 380 000.– per la sanaziun dil Parcadi Centrum ha Marcus Monn, Cavardiras, inoltrau en num da 136 votantas e votants il referendum facultativ.

La suprastonza communal ha priu encunter il referendum e vegn a tractar el tenor las prescripziuns dalla constituziun communal.

Suprastonza communal



Reducziun individuala dallas premias dalla cassa da malsauns 2012

Persunas e famiglias che vivan en relaziuns economicas mudestas san, risguardond certas premisas, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han aunc buca fatg diever dil dretg san far quei entochen **la fin digl onn 2012 (davos termin, datum dil bul da posta 31-12-2012)**.

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era retrer ils formulars tier l'administraziun communal.

Per damondas stein nus bugen a Vossa disposiziun
Administraziun communal

Clom da quens

Il quen communal vegn serraus giu cun ils 31 da december 2012. Per saver risguardar las expensas occurridas uonn el quen 2012 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **19 december 2012**.

Nus supplichein tuttas firmas sco era tut ils officials dalla vischnaunca d'observar quei termin.

Administraziun communal Disentis/Mustér

Controlla da habitonts Naschientscha

Mariella Sophia Durschei, naschida ils 27 da november 2012, feglia da Edgar e Sonja Durschei-Keller.

Apparats d'udida

Gliendisdis, ils 17 da december 2012 saveis Vus schar schubergiar e regular Vies apparat d'udida en Casa da tgira Sursassiala a Mustér che sesanfla en claustra ed a Curaglia. A Mustér ei il liug signalisau:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordiala invitaziun *Casa da tgira Sursassiala*



Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprises en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30** Nus selegrein zun fetg sin tei...

Tgisà, forsa anflein nus mintgatun aunc enzatgei auter che mo cudischs en nossa valischa da surprises!

Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Mustér*

Termins: 14 da december 2012, 11 da schaner, 8 da fevrer, 8 da mars, 12 d'avrel, 10 da matg ed ils 14 da zercladur 2013

Contribuziuns per la Sibla

«Siblus» encuera aunc ina ni l'otra contribuziun (glossa) per la gasetta da tscheiver Sibla 28 che cumpara il fevrer 2013. Contribuziuns a scret cun il num e l'adressa digl autur san ins tarmetter tochen ils **7 da da schaner 2013** a: Christina Bundi, Via S. Gions 2, 7180 Disentis/ Mustér, per fax 081 534 14 33, ni via la pagina d'internet www.tscheiver.ch.

Participaziun al til da tscheiver da Mustér 2013

Ils 9 da fevrer 2013 allas 14.00 ei il 34avel til da tscheiver a Mustér. L'Uniun da tscheiver Mustér envida pign e grond, dalunsch e damaneivel da separticipar al til. Sin Vossas annunzias selegra la supras-tonza. Annunzias pren Gion Hosang bugen encunter, tel. 079 690 97 42, e-mail: gion.hosang@tscheiver.ch, perfax 081 534 14 33, ni via internet: www.tscheiver.ch.

Societad da musica Mustér Concert da Nadal

Sonda, ils 22 da december 2012 allas 20.15 en baselgia S. Gions, Mustér. Silsunter stiva da caffè en halla Cons.

Cordialmein envida *Societad da musica Mustér*

Mira era inserat dils 21-12-2012



10. exposiziun d'art en casa da scola Segnas ils 26/29/30-12-2012

Temps d'avertura:

Mesjamna, ils 26-12-2012 dallas 14.00 –22.00

Sonda, ils 29-12-2012 dallas 14.00 –22.00

Dumengia, ils 30-12-2012 dallas 14.00 –19.00

Ovras da: Barbara Donnarumma, Renata Lutz, Claudia Wolf, Mauro Loretz, Wendelin Jacomet, Jörg Arnoldi, plinavon stat igl artist Linus Flepp a disposiziun en siu atelier. Ustria: stiva da caffè cun spezialitads dil vitg. Entrada: libra

Organisatur: Chor baselgia Segnas

Calender d'advent 2012

Mesjamna, ils 26 da december 2012 naven dallas 17.00 entochen allas 22.00 dat ei suppa da giutta e vin cauld per in e scadin visitader dil calender d'advent a Disla.

Cordialmein envida *il vischinadi Disla/Cavardiras*

Uniun da dunnas Mustér

Mardis, ils 18-12-2012 suenter rorate survescha l'uniun da dunnas in solver communabel en halla Cons. Era ils carschi ein cordialmein envidai.

A stedia participaziun selegra
la suprastonza

Uniun purila Mustér: Radunozza generala

Mardis, ils 18 da december 2012 allas 20.00 el hotel «La Furca», Mustér.

Tractandas:

1. Beinvegna
2. Elecziun da dumbravuschs
3. Prelecziun dil protocol ed approbaziun
4. a) Rapport dil cassier e dils revisurs da quen
b) Approbaziun dil quen
5. Rapport dil cau plaz-fiera
6. Rapport dil president, informaziun dalla polizia da fiug
7. Elecziuns: cassier, revisurs da quen e cau plaz-fiera
8. Contribuziun annuala
9. Program da lavur
10. Varia

Suenter radunonza vegn offeriu ina tscheina.
Cordialmein envida *la suprastonza*



Sentupadas d'advent el vitg da Segnas

Selegrar, tedlar historias, gustar, rir, sediscuorer, smarvegliar ... tut quei ed aunc dapli vulein nus, pigns e gronds, far communablamein duront las sentupadas d'advent el vitg da Segnas.

Nossa proxima sentupada cun devoziun d'advent ensemen culs affons dalla grupp dil Salid dil Segner e dil rudi d'affons Artgin ha liug:

Dumengia, ils 16 da december 2012 allas 17.00 en baselgia s. Roc e s. Bistgaun a Segnas.

Cordial beinvegni als affons cun lur famiglias ed all'entira pleiv.
Gruppa d'organisaziun dil vischinadi Segnas
Salid dil Segner e rudi d'affons Artgin

Decoraziuns d'advent el vitg da Segnas

Visitei nies vischinadi e seschei inspirar dall'atmosfera dil bi temps d'advent. Ils loghens decorai tenor ina historia ein illuminai mintga sera dallas 17.00–22.00 entochen ils 6 da schaner 2013.

Decoraziun tier la historia dalla plonta steilida: grupp Cuoz, sper caplutta.

Decoraziun tier la historia dalla nuorsa nera, che vuleva esser alva: grupp amiez vitg, clavau da Claudia e Clemens Berther-Bearth (sur l'anteriura posta).

Nus selegrein da Vossa viseta!
Gruppa d'organisaziun dil vischinadi Segnas

Contact: Regina Giger-Caminada,
079 228 53 23, mail: contact@rgc-art.ch

2. Surselva Classic

Sonda, ils 5 da schaner 2013 – mira sut Cadi.

Einladung zum Weihnachtsspiel

im Gemeindezentrum Aua Viva siehe unter Cadi.